


Raport monitorues

mbi punën e ekzekutivit të komunës së Lipjanit
Qershor 2012



Përmbajtja:

- Hyrje,
- Përmbledhje ekzekutive,
- Premtimet e Kryetarit Shukri Buja,
- Problemet aktuale,

Adresa: Rr."Dr. Avdi Avdiu" 14000 Lipjan

Tel.+377 (0) 44 786 414 & +386 (0)49 823 140

e-mail: info.yahr@gmail.com

webfaqja: <http://www.ngoyahr.weebly.com>

<http://www.yahr-monitorimi.weebly.com>

Hyrje

OJQ Youth Association for Human Rights (YAHR) për gjatë tërë vitit 2012 nëpërmjet monitoruesve të saj nga afër ka përcjellë punën e ekzekutivit si dhe funksionimin e legjislativit të komunës së Lipjanit. Ky monitorim ka pasur për qëllim të identifikojë jo vetëm të metat eventuale të qeverisjes si dhe shkeljet e ligjeve dhe rregulloreve në fuqi por edhe të shënojë ngritjen e institucioneve si në aspektin e rritjes së kapaciteteve, shfrytëzimit të buxhetit dhe aplikimit të frymës demokratike të marrjes së vendimeve si dhe të komunikimit dhe të transparencës. Gjatë procesit të monitorimit YAHR-i ka synuar të rrisë besueshmërinë e qytetarëve në proceset e vendimmarrjes por edhe të sigurojë një prani të përhershme të një mbikëqyrje transparente të funksionimit të pushteteve me theks të veçantë të transparencës në raport me qytetarin. Duke u nisur nga bindja se procesi i monitorimit është i domosdoshëm për këtë shkallë të zhvillimit të demokracisë sonë, derisa ende institucionet tona përballen me ngërçe institucionale dhe me mos- transparencë, YAHR-i konsideron se me punën e monitorimit është mundësuar një dobi e dyfishtë edhe në raport me institucionet por edhe me qytetarin. Institucionet komunale kanë pasur mundësi të dëgjojnë një zë jo kundërshtues apo refuzues arbitrar, por një zë të këshillës dhe të sugjerimit për të avancuar proceset. Ndërkaq qytetari ka fituar një zë të sigurt, një vlerësim bindës për zhvillimet brenda institucioneve komunale duke mësuar kështu më mirë se kah dhe ku harxhohet paraja publike, apo si janë caktuar prioritetet e projekteve. Gjatë punës së tij YAHR-i ka hasur edhe në bashkëpunime të hapura të sinqerta dhe transparente dhe shih për këtë i falënderon të gjithë ata që kanë ofruar të dhëna dhe sqarime në çdo moment, për ne shumë të nevojshme dhe të domosdoshme për të kryer misionin tonë prej monitoruesi.

Vendimmarrja e cila prekë interesat e qytetarëve duhet të merret sa më afër tyre, këtë e siguron parimi i subsidiaritetit. Kjo u mundëson qytetarëve që të përfitojnë shërbime publike më të mira dhe në mënyrë më efikase dhe transparente nga organet komunale.

Qëllimet e monitorimi të punës së zyrtarëve komunal janë:

- Që të sigurohet kredibiliteti i proceseve politike;
- Që të sigurohet përgjegjshmëria e zyrtarëve të zgjedhur ndaj qytetarëve dhe që ata të jenë përfaqësues të vërtetë të interesave të shoqërisë;
- Që të sigurohet transparenca në punën e zyrtarëve të zgjedhur;
- Që të sigurohet pjesëmarrja e qytetarëve në proceset politike vendore;
- Që të parandalohen parregullsitë e mundshme, aktivitetet mashtruese dhe kërcënimet;
- Që të inkurajohen zyrtarët e zgjedhur në punën e tyre për gjetjen e zgjidhjeve që rëndojnë shoqërinë civile;
- Që zyrtarëve të zgjedhur t'iu ofrohen informata mbi brengat e vërteta me të cilat ballafaqohet shoqëria civile;
- Që të informohen qytetarët se si zyrtarët e zgjedhur trajtojnë brengat e tyre si bazë për çfarëdo veprimi qytetar drejt zgjidhjes së atyre brengave

Përmbledhje ekzekutive

Youth Association for Human Rights (YAHR) publikon raportin e monitorimit “Qeverisja Lokale në Lipjan” bazuar në monitorimin e punës së Komunës së Lipjan gjatë periudhës Janar – Qershor 2012. Monitorimi është fokusuar në Asambleenë Komunale dhe Ekzekutivin e Komunës, dhe përfshinë fushat: transparenca dhe llogaridhënia, demokratizimi dhe qeverisja e mirë, zhvillimi urban e ekonomik, arsimi dhe shëndetësia.

Raporti gjithashtu përmban analiza kualitative të legjislacionit në fuqi dhe praktikave më të mira mbi vetëqeverisjen lokale të cilat përdoren në lidhje me të gjeturat dhe përgjegjësitë e Komunës. Nga të gjeturat e monitorimit.

YAHR vlerëson se qeverisja në Komunën e Lipjanit ka përparime, përkundër disa problemeve në fusha të caktuara. Nga rrethi i përgjegjësive të cilin e ka, Komuna e Lipjanit është duke treguar pak rezultate të ndonjë progres në atë nivel sa të ndryshojë në mënyrë të dukshme në të mirë të qytetareve të komunës së Lipjanit.

Në kuadër të transparencës dhe llogaridhënies, që paraqesin dy prej shtyllave kryesore të funksionimit të institucioneve publike, Komuna e Lipjanit mbetet përgjithësisht e hapur për qytetarë dhe OJQ-të. Por, ka të meta të pajustificueshëm të mos informimit të qytetarëve për zhvillimet dhe aktivitetet më detale të cilat duhen të publikohen në ueb faqen e komunës.

Ekzekutivit të Komunës së Lipjanit për dallim nga viti i kaluar ka marrë me seriozitet vërejtjet dhe mangësitë të evidentuara nga Raportet e auditorit të pavarur për vitin 2010.

Probleme serioze ka edhe në fushën e zhvillimit urban në Komunën e Lipjanit. Në Lipjan ka ende disa zona për të cilat nuk është bërë planifikimi hapësinor/urban. Probleme janë evidentuar edhe në zonat ku planet rregulluese janë miratuar, probleme si rezultat i mos-planifikimit të mirë dhe mos-marjes parasysh të kushteve në terren, dhe nevojave të zonës/qytetit.

Profili i Kryetarit Shukri Buja



Shukri Buja u lind më 27.08.1966, në fshatin Bujan, komuna e Lipjanit, shkollën fillore e kreu në fshatrat Bujan dhe Kraishtë ndërsa shkollën e mesme në Lipjan. Është i diplomuar në gazetari dhe ka përfunduar provimet e magistraturës në drejtimin e Shkencave Politike dhe Administratës Publike në Universitetin e Prishtinës.

Në nëntor të vitit 1998 emërohet komandant i Zonës Operative të Nerodimes. Pas përfundimit të luftës emërohet Komandant i zonës së gjashtë të TMK-së me gradën Gjeneralmajor. Është dekoruar nga KPA (Këshilli i Përkohshëm Administrativ me dekoratën Urdhër “ Adem Jashari”) si dhe nga Gjenerali amerikan z. Kraedok etj. Nga viti 2007 kryetar i Komunës së Lipjanit në dy mandate.

Premtimet e Kryetarit Shukri Buja

Organizata Joqeveritare **Youth Association For Human Rights** – YAHR kemi monitoruar aktivitetet dhe premtimet e kryetarit Shukri Buja, të dhëna gjatë fushatës zgjedhore në periudhën 15 tetor – 14 nëntor 2009 dhe 7 – 12 dhjetor 2009. Si rezultat i monitorimit tonë të bërë në mediat e shkruara dhe elektronike, si dhe në debatin e organizuar nga ne dhe gjithashtu nga dy debatet të mbajtura në “Jeta në Kosovë”, në mes të tjerash Kryetari Buja ka premtuar:

- ✓ Krijimi i zonës së re industriale në Kërqevë për akomodimin e 200 Bizneseve dhe punësimin e 2000 personave,¹
- ✓ Fillimin e ndërtimit të zonës industriale me sipërfaqe 20 ha afër QMI-së dhe punësimin e 800 personave¹
- ✓ Krijimin e Lipjanit si qendër agrobiznese¹
- ✓ Renovimin e të gjitha shkollave dhe krijimin e kushteve hapësinore për zvogëlimin e numrit të nxënësve në klasë nga 37 në 25,¹
- ✓ Rregullimin e parkingjeve publike,¹
- ✓ Zgjerimin e rrugëve kryesore të qytetit në katër korsi të qarkullimit,¹
- ✓ Asfaltimin e rrugëve në të gjitha lagjet e qytetit,¹
- ✓ Krijimin e hapësirave të mjaftueshme të parqeve si dhe parkingjeve publike,¹
- ✓ Futjen e rrjetit të kanalizimit në të gjitha fshatrave mbi 150 km
- ✓ Asfaltimin rrjetit rrugore mbi 70 km
- ✓ Sistemin e rrjetit të ujësjellësit mbi 100 km
- ✓ Ndërrimin e pllakave në dysheme, dyerve dhe dritareve në Q.K.M.F në Lipjan
- ✓ Rregullimin e ngrohjes qendrore në Lipjan
- ✓ Zvogëlimin e papunësisë dhe të varfërisë
- ✓ Mbështetjen e ekonomive familjare
- ✓ Riaktivizimin dhe pasurimin e bibliotekave shkollore
- ✓ Hartimin e projekteve bujqësore
- ✓ Rregullimin dhe zgjerimin e sheshit “Adem Jashari”
- ✓ Krijimin e lehtësirave administrative dhe teknike për nxitjen e investimeve të huaja
- ✓ Uljen e taksave mbi investimet që krijojnë vende pune
- ✓ Renovimin e të gjitha shkollave dhe kompletimin me infrastrukturë me qëllim të krijimit të kushteve sipas standardeve evropiane
- ✓ Rregullimin e nxehjes qendrore në të gjitha shkollat dhe rregullimin e rrethove të oborreve të shkollave sipas modelit të shkollës “Mehmet Akif”
- ✓ Përmirësimin e infrastrukturës sportive
- ✓ Sinjalizimin horizontal dhe vertikalë të rrugëve
- ✓ Transporti publik urban dhe ndër urban me mjete transporti uniforme
- ✓ Furnizimi të pandërprerë me ujë të pijshëm dhe trajtimin e ujërave të zeza
- ✓ Ndriçimin e të gjitha rrugëve të qytetit

¹ Premtime nga programi zgjedhor 2009 i PDK-së nëntor 2009

- ✓ Përkrahje e vazhduar e familjeve të dëshmoreve dhe martirëve të luftës
- ✓ Implementimin e vendimit të KK Lipjanit për lagjen e kategorive të luftës së UQK-së
- ✓ Zgjerimin e qytetit në drejtim të lumit sitnica, si dhe rregullimin e shtratit të lumit, parqeve dhe pushimoreve përgjatë lumit në sipërfaqe 250 ha
- ✓ Punësimin e rasteve sociale;
- ✓ Sistemimin e veteranëve të luftës dhe kategorive të dala nga lufta;
- ✓ Përkrahjen e vazhdueshme të familjeve të dëshmoreve dhe martirëve të luftës;
- ✓ Krijimin e hapësirave ku rinia do të zhvillojë aktivitetet sportive dhe kulturore;
- ✓ Renovimin e shtëpisë së kulturës si dhe funksionimin e sferave të kulturës, si kinematografisë, artit skenik dhe të gjitha ato fusha që i kërkon rinia lipjanasve;
- ✓ Digjitalizimin e bibliotekës së qytetit;
- ✓ Administratë digjitale;
- ✓ Renovimin e stadiumit të qytetit;
- ✓ Ngrohjen qendrore me energji alternative për qytetin e Lipjanit (me metan, drithëra dhe sillaxhë ku do të përfitojnë edhe bujqit, projekt ky me koncesion dhe investim i një firme nga Lozana, projekt i cili do të përfundoj brenda tre vjeçarit të qeverisjes);
- ✓ Për fshatin Smallushë: rregullimin e gjithë infrastrukturës; ndërtimin e një shkolle të re dhe një fushe të futbollit;
- ✓ Për banorët e Gadimes: ndërtimin e një objekti të ri shkollor me përmasa më të mëdha dhe me ambiente më moderne; asfaltimin e të gjitha rrugëve të brendshme;
- ✓ Arsim cilësor duke ndërtuar infrastrukturës të shkollës me pedagog, mjek dhe psikolog dhe me ngrohje qendrore;
- ✓ Krijimin e 5 mijë vendeve të reja të punës;
- ✓ Zhvillimin ekonomik sidomos në fushën e bujqësisë;
- ✓ Ndërtimin e dhjetë fabrikave;
- ✓ Zhvillimin e turizmit;
- ✓ Përpunimin e plehrave të pulave në mënyrë që të largohet era nga ferma e pulave.

Tabela 1: Vlerësimi i përgjithshëm i angazhimit dhe përpjekjes së Kryetarit për realizimin e premtimeve.

0 -tregon që asnjë përpjekje ose angazhim konkret nuk është bërë në realizimin e premtimit,

1- tregon se ka shenja pozitive në realizimin e premtimit,

2- tregon një proces të filluar në realizimin e premtimit por me ngecje,

3- tregon për një proces të filluar dhe në rrugë të mirë,

4- tregon se hapa konkrete kanë filluar të ndërmerren për realizimin e premtimit dhe diçka në këtë kontekst është bërë dhe,


5- tregon se realizimi i premtimit është në fazën drejt finalizimit.

Vërejtje: Premtimet janë për periudhën katër vjeçare 2009/2012. Deri tani është shpenzuar 3/4 e kohës.

Premtimet	vlerësimi
Krijimi i zonës së re industriale në Kërqevë për akomodimin e 200 Bizneseve dhe punësimin e 2000 personave	0
Fillimin e ndërtimit të zonës industriale me sipërfaqe 20 ha afër QMI-së dhe punësimin e 800 personave	1
Krijimin e Lipjanit si qendër agrobiznese	0
Renovimin e të gjitha shkollave dhe krijimin e kushteve hapësinore për zvogëlimin e numrit të nxënësve në klasë nga 37 në 25	3
Zgjerimin e rrugëve kryesore të qytetit në katër korsi të qarkullimit	4
Asfaltimin e rrugëve në të gjitha lagjet e qytetit	4
Krijimin e hapësirave të mjaftueshme të parqeve si dhe parkingjeve publike	4
Futjen e rrjetit të kanalizimit në të gjitha fshatrave mbi 150 km	3
Asfaltimin rrjetit rrugore mbi 70 km	5
Sistemin e rrjetit të ujësjellësit mbi 100 km	5
Ndërrimin e pllakave në dyshe, dyerve dhe dritareve në Q.K.M.F në Lipjan	5
Zvogëlimin e papunësisë dhe të varfërisë	0
Mbështetjen e ekonomive familjare	0
Riaktivizimin dhe pasurimin e bibliotekave shkollore	1
Hartimin e projekteve bujqësore	1
Rregullimin dhe zgjerimin e sheshit “Adem Jashari”	2
Krijimin e lehtësirave administrative dhe teknike për nxitjen e investimeve të huaja	0
Uljen e taksave mbi investimet që krijojnë vende pune	0
Renovimin e të gjitha shkollave dhe kompletimin me infrastrukturë me qëllim të krijimit të kushteve sipas standardeve evropiane	1
Rregullimin e nxehjes qendrore në të gjitha shkollat dhe rregullimin e rrethove të oborreve të shkollave sipas modelit të shkollës “Mehmet Akif”	1
Përmirësimin e infrastrukturës sportive	0
Sinjalizimin horizontal dhe vertikal të rrugëve	2
Transporti publik urban dhe ndër urban me mjete transporti uniforme	5
Furnizimi të pandërprerë me ujë të pijshëm dhe trajtimin e ujërave të zeza	4
Ndriçimin e të gjitha rrugëve të qytetit	4
Zgjerimin e qytetit në drejtim të lumit sitnica, si dhe rregullimin e shtratit të lumit, parqeve dhe pushimoreve përgjatë lumit në sipërfaqe 250 ha	1
Implementimin e vendimit të KK Lipjanit për lagjen e kategorive të luftës së UQK-së	2
Përkrahje e vazhduar e familjeve të dëshmoreve dhe martirëve të luftës	4
Punësimin e rasteve sociale;	0
Sistemimin e veteranëve të luftës dhe kategorive të dala nga lufta;	2

Krijimin e hapësirave ku rinia do të zhvillojë aktivitetet sportive dhe kulturore;	1
Renovimin e shtëpisë së kulturës si dhe funksionimin e sferave të kulturës, si kinematografisë, artit skenik dhe të gjitha ato fusha që i kërkon rinia lipjanase;	5
Digjitalizimin e bibliotekës së qytetit;	0
Administratë digjitale;	1
Renovimin e stadiumit të qytetit;	0
Ngrohjen qendrore me energji alternative për qytetin e Lipjanit (me metan, drithëra dhe sillaxhë ku do të përfitojnë edhe bujqit, projekt ky me koncesion dhe investim i një firme nga Lozana, projekt i cili do të përfundoj brenda tre vjeçarit të qeverisjes);	0
Për fshatin Smallushë: rregullimin e gjithë infrastrukturës; ndërtimin e një shkolle të re dhe një fushe të futbollit;	0
Për banorët e Gadimes: ndërtimin e një objekti të ri shkollor me përmasa më të mëdha dhe me ambiente më moderne; asfaltimin e të gjitha rrugëve të brendshme;	3
Arsim cilësor duke ndërtuar infrastrukturës të shkollës me pedagog, mjek dhe psikolog dhe me ngrohje qendrore;	0
Krijimin e 5 mijë vendeve të reja të punës;	1
Ndërtimin e dhjetë fabrikave;	0
Zhvillimin e turizmit;	0
Përpunimin e plehrave të pulave në mënyrë që të largohet era nga ferma e pulave;	0

- 16 premtime ose 37.20% pa asnjë përpjekje ose angazhim konkret në realizimin e premtimit,
- 9 premtime ose 25.58% ka shenja pozitive në realizimin e premtimit
- 4 premtime ose 11.62% ku procesi ka filluar në realizimin e premtimit por me ngecje,
- 3 premtime ose 9.30% procesi ka filluar në rrugë të mirë,
- 6 premtime ose 9.30% ka hapa konkrete në realizimin e premtimeve,
- 5 premtime ose 6.97% të realizuar plotësisht.



Përmbledhje ekzekutive

Youth Association for Human Rights (YAHR) publikon raportin e monitorimit për periudhën Janar – Qershor 2012. Monitorimi është fokusuar në ekzekutivin e Komunës, dhe përfshinë fushat: transparencë dhe llogaridhënia, demokratizimi dhe qeverisja e mirë, zhvillimi urban e ekonomik, arsimi dhe shëndetësia.

Raporti gjithashtu përmban analiza kualitative të legjislacionit në fuqi dhe praktikave më të mira mbi vetëqeverisjen lokale të cilat përdoren në lidhje me të gjeturat dhe përgjegjësitë e Komunës. Nga të gjeturat e monitorimit.

YAHR vlerëson se qeverisja në Komunën e Lipjanit ka përparime, përkundër disa problemeve në fusha të caktuara. Nga rrethi i përgjegjësisë të cilin e ka, Komuna e Lipjanit është duke treguar pak rezultate të ndonjë progres në atë nivel sa të ndryshojë në mënyrë të dukshme në të mirë të qytetareve të komunës së Lipjanit.

Në kuadër të transparencës dhe llogaridhënies, që paraqesin dy prej shtyllave kryesore të funksionimit të institucioneve publike, Komuna e Lipjanit mbetet përgjithësisht e hapur për qytetarë dhe OJQ-të. Vlen të theksohet se zyra për informimi e komunës së Lipjanit ka lëvizur pozitivisht pas vërejtjeve e bëra në raportin e kaluar për mos informimit të qytetarëve për kohën e mbajtjes së mbledhjeve të komiteteve, e në veçanti të Komitetit për Politikë dhe Financa (KPF) të Komunës së Lipjanit, një prej organeve më të rëndësishme.

Ekzekutivit të Komunës së Lipjanit gjatë fund vitit të kaluar ka marrë me seriozitet vërejtjet dhe mangësitë të evidentuara nga Raportet e auditorit të pavarur për vitin 2008 dhe 2009 , të cilat janë përsëritura edhe nga Raportet e auditorit të pavarur për vitin 2010.

Probleme serioze ka edhe në fushën e zhvillimit urban në Komunën e Lipjanit. Në Lipjan ka ende disa zona për të cilat nuk është bërë planifikimi hapësinor/urban. Probleme janë evidentuar edhe në zonat ku planet rregulluese janë miratuar, probleme si rezultat i mos-planifikimit të mirë dhe mos-marrjes parasysh të kushteve në terren, dhe nevojave të zonës/qytetit.

Problemet aktuale

Edhe pse një komunë me një pozitë të përshtatshme gjeografike dhe me potenciale të mëdha për zhvillim ekonomik, qytetarët e Komunës së Lipjanit përballen me të njëjtat problema sikurse pjesa tjetër e Kosovës. Edhe në këtë komunë brenga më e madhe e qytetarëve mbetet papunësia dhe varfëria. 48.91% e qytetarëve në këtë komunë janë të papunë. 12.16% e qytetarëve janë të varur nga ndihmat sociale. Përveç këtyre problemeve, probleme më specifike për komunën e Lipjanit janë:

- Mungesa e ngrohtores së qytetit;
- Kundërmimi nga ferma e pulave;
- Mungesa e përkujdesjes ndaj vendeve turistike dhe historike.

Mungesa e ngrohtores së qytetit. Nuk ka lëvizje në këtë drejtim , edhe pse ne kemi bërë vërejtje që nga raporti e parë mbi punën e ekzekutivit të Komunës së Lipjanit dhe që është premtim më kryesor nga fushata zgjedhor që nga 2007-ta dhe 2009-ta nga kryetari i komunës Z. Shukri Buja.

Kundërmimi nga ferma e pulave. Banorët në dalje të qytetit të Lipjanit, në drejtim të fshatit Banullë, kanë problem kundërmimin e erërave që vijnë nga ferma e pulave që ndodhet në afërsi të udhëkryqit për në Janjevë. Nga erërat që fryjnë, kundërmimi nga ferma e pulave mbërrin deri në qendër të qytetit, por më së shumti kanë problem banorët që ndodhen në afërsi të kësaj ferme.

Mungesa e përkujdesjes ndaj vendeve turistike dhe historike. Në këtë drejtim kemi një ndryshim nga raporti i kaluar, se kemi një iniciativë nga kryetari të komunës me një projekt të turizmit për zhvillim rural në Komunën e Lipjanit, i financuar nga Bashkimi Evropian dhe komuna e Lipjanit implementim e së cilit do ta bëjë ISDY.

Performanca buxhetore e komunës së Lipjanit

Buxheti i përgjithshëm i komunës së Lipjanit për tremujorin e parë të vitin 2012 ka arrit që të shpenzohet në masën 10.70 % ose 1,262,256.70 € nga buxheti i planifikuar 11.795.467,67€ për vitin 2012. Kjo shifër është shifra më e ultë që është arritur ndonjëherë në shpenzimin e buxhetit në këtë komunë. Mirëpo, pjesa më e madhe e pritët të shpenzohen gjatë gjashtë mujorin e fundit të 2012..

Shpenzimet buxhetor gjatë periudhës tre mujore 2012				
Fondi Burimor	Buxheti i planifikuar	Shpenzimi	Diferenca	%
GRANTI QEVERITAR	9,960,214.00	1,217,482.50	8,742,731.50	12.22 %
TE HYRAT VETANAKE	1,500,000.00	23,690.80	1,476,309.20	1.58 %
TE HYRAT VETANAKE	331,965.16	19,040.40	312,924.76	5.74 %
DONACIONET E BARTURA	3,288.60	2,043.00	1,245.60	62.12 %
Gjithsej:	11,795,467.76	1,262,256.70	10,533,211.06	10.70 %


Viti	Rrogat dhe mëditjet	Mallrat dhe shërbimet	Shpenzimet komunale	Subvencione t dhe transfere	Shpenzimet kapitale	Gjithsej
2012	6,730,900▲	500,953▼	120,000▼		2,608,361▼	11,795,467.76▲
2011	6,502,293▲	655,043.39▲	123,464.73	85,202.65▲	3,951,609.92▲	11.317.613,69▲
2010	4,758,026▲	513,941▲	118,443▼	80,000■	2,986,007▲	8,456,417▲
2009	4,425,264▲	512,394▼	112,154■	80,000■	2,325,154▲	7,454,966▲
2008	3,868,282▲	554,288▲	112,154▼	80,000■	1,239,909▲	5,854,633▲
2007	3,718,294▼	537,335▼	202,154▲	80,000▼	1,127,138▲	5,664,921▲
2006	3,731,341▲	610,147▼	78,577▼	100,000▲	1,070,849▼	5,590,914▼
2005	3,696,996▼	621,827▼	126,381■	64,000■	1,180,077▲	5,689,281▲
2004	3,701,207▲	1,135,854▼	-	-	721,431▲	5,558,492▲
2003	2,770,014■	1,144,006■	-	-	465,113■	4,528,532■

▲ Rritje, ▼ Zvogëlim, ■ Nivel i njëjtë/mos ndryshim


Administrata komunale

Në vitin 2012, në Komunën e Lipjanit kemi ulje të numrit të punëtorëve në krahasim me një vit më parë, (si pasojë largimit nga lista e punëtorëve të shërbimit të zjarrfikësve) në tre sektorët publik: arsim 1,068, shëndetësi nga 233 , administratë nga 205 në vitin 2011 në 185 në vitin 2012 janë të punësuar gjithsej 1,483 qytetarë. Vetëm në administratën komunale janë të punësuar momentalisht 185 shërbyes civil që do të thotë 20 shërbyes civilë më pak krahasuar me një vit më parë.. Sipas vendimit të Qeverisë së Kosovës nr. 10/46, ku sipas së cilit në komunat me popullsi nën 100,000 banorë administratat lokale duhet të kenë 1 shërbyes civil për 620 banorë, del se komuna e Lipjanit me rreth 60,000 banorë duhet të ketë më së shumti 97 shërbyes civil. Sipas kësaj, administrata komunale e Lipjanit është e tej ngarkuar me staf. Duke u bazuar në statistikën e strukturës kualifikuese të administratës së komunës së Lipjanit shumica e punëtorëve janë me shkollë të mesme, vetëm 35% prej tyre janë me përgatitje të lartë, gjegjësisht me fakultet.

Struktura kualifikuese e administratës komunale



Struktura gjinore



Investimet kapitale

Planifikimet vjetore për investime kapitale të Komunës së Lipjanit për vitin 2012		
Projektet	Të planifikuara	Realizimi
Meremetimi I zyrave pritëse	20,000.00	Jo
Blerja e teknologjisë informative	10,000.00	Po
Blerja e veturave K.K. Lipjan	80,000.00	Pjesërisht
Asfaltimi I rrugës „Lidhja e Prizrenit katër Korsi" me infrastrukturë përcjellëse	700,000.00	Në proces
Asfaltimi I rrugës Vrell e Gadimës	130,000.00	Jo
Asfaltimi I rrugës-Silovi	100,000.00	Në proces
Asfaltimi I rrugës në fshatin Shalë	150,000.00	
Asfaltimi I rrugëve të qytetit të Lipjanit: Aziz Kelmedi,Mihajlo Pupin, Grupi Rinor Shqiptar, Hysen Jashanica,Isa Demaj, Jetish Akllapi, Qazë Lugaxhia.	200,000.00	Jo
Ndërtimi I kanalizimit-Kraishtë	200,000.00	Në fazën e vlerësimit
Ndërtimi I kanalizimit-ne lagjen e re Lipjan	150,000.00	Në fazën e vlerësimit
Kanalizimi ne fshatin Gadime faza-II-	250,000.00	Është në fazën përfundimtar e
Ndërtimi I Kanalizimit Janjevë	114,760.00	Në proces
Ndërtimi I kanalizimit-Krojmir	100,000.00	Në proces
Ndërtimi I kanalizimit-Smallushë Faza e parë	150,000.00	Para përfundimit
Ndërtimi I kanalizimit-Lipjan,,Lagjia Akllapi"	200,000.00	Jo
Realizimi I ujësjellësit ne fshatrat: Kraisht, Grack e Vogël, Bujan,Topliqan	250,000.00	
Realizimi I ujësjellësit Llugaxhi	63,888.00	I përfunduar
Realizimi I ujësjellësit Smallushë	50,000.00	I përfunduar
Bashkëfinancim me Donatorë	170,000.00	
Rregullimi varrezave ne fshatin Bujan-masakrra e Bujanit	50,000.00	Jo
Ndërtimi I Kanalizimit ne fshatin Magure	200,000.00	Në proces
Rregullimi i Parqeve të Qytetit	80,000.00	Në proces
Hartimi I Projekteve detale	178,000.00	Në proces
Renovimi I QKMF-Së në:(Janjevë dhe Magure)	112,000.00	Në proces
Ndërtimi I Qerdhes-Lipjan	150,000.00	Jo, mjetet janë ri destinuar
Ndërtimi I shkollës Fillore Rubovc	100,000.00	

Arsimi

Para nisjes së mandatit të dytë nga kryetari aktual Shukri Buja sistemi arsimor në Lipjan është përballur me këto probleme kryesore:

1. Gjendja jo e mirë e infrastrukturës shkollore;
3. Numri i madh i nxënësve për paralele në shkollat e mesme;
3. Mungesa e laboratorëve dhe hapësirave për mësim praktik;

Njëri prej këtyre problemeve tani është evituar, ndërsa dy tjera mbetin akoma problem dhe do të duhet të ishin prioritet për vitet në vazhdim. Kësisoj në vitin 2009 pjesa dërrmuese e shkollave në Komunën e Lipjanit kanë qenë në gjendje të keqe infrastrukturore dhe në këtë drejtim përgjithësisht është punuar duke shënuar kështu edhe një minimum të standardit të kërkuar arsimor. Problemet të cilët aktualisht hasen në sistemin arsimor në Lipjan janë ato në shkollat e mesme, përkatësisht me numrin e madh të nxënësve në to që në shumicën e rasteve ky numër është afërsisht 40 nxënës për një klasë dhe po ashtu problem në vete paraqet mungesa e laboratorëve dhe hapësirave për mësim praktik.

Arsimi Komunal			Personeli	
	Nr. i institucioneve	Nr. i nxënësve	Nr. i Mësimdhënësve	Nr. i personelit tjetër
Institucione parashkollore publike	1	114	8	9
Shkolla fillore publike	51	11667	672	158
Shkolla të mesme publike	3	3545	174	32
Shkolla apo kolegje private	1	/	/	/
Gjithsej	56			

Shëndetësia

Në Komunën e Lipjanit funksionojnë një QKMF, 4 QMF dhe 6 ambulant të mjekësisë familjare. Vetëm në QKMF në qytetin e Lipjanit punohet me orar 24 orësh, kurse në QMF punohet pesë ditë në javë për 12 orë në ditë. Tri ambulantë punojnë vetëm dy ditë në javë për tetë orë në ditë. Në shëndetësinë primare të Lipjanit janë të punësuar 234 punonjës, prej tyre 132 femra, ku vetëm një femër është në pozitë udhëheqëse. Sipas vetë zyrtarëve të drejtoratit, Lipjani ka mjaft kuadro shëndetësore, ka 21 specialist të mjekësisë familjare. Në mungesë të një spitali regional në Prishtinë, rastet më të rënda të gjithë drejtohen në QKUK.

Investimet kapitale të përfunduara apo të nisura së bashku me donatorët gjatë dy viteve të kaluara në sferën e shëndetësisë kapin shifrën 532,574.48 eurove. Si investime kapitale për vitin 2012 në sektorin shëndetësor nga ana e ekzekutivit janë planifikuar që të investohen 112 mijë euro, ku nga këto mjete do të bëhet renovimi i AMF-ve në Magure, Janjevë dhe blerja e inventarit në AMF-në në fshatin Smollushë.

Gjatë periudhës Janar-Qershor 2012 vetëm në QKMF-ë në Lipjan janë ofruar shërbime të ndryshme mbi 80 mijë pacienteve, ku vetëm njësia e emergjencës ka pasur afër 20 mijë shërbime të ndryshme dhe 33 mijë shërbime të ndryshme kemi pasur në AMF-të tjera . Përkundër të arritjeve në organizimin e punëve krahasuar me vitet e kaluara, ku tani nuk kemi pritje të madhja të pacienteve dhe duke u bazuar në të gjitha këto fakte, konstatojmë se përkujdesi primarë shëndetësor duhet të jepet më shumë rëndësi nga ana e ekzekutivit të komunës së Lipjanit.

Burimet:

1. Intervista të drejtpërdrejta me qytetarë, pjesëtarë të shoqërisë civile dhe media lokale. Shkurt-Qershor, 2012.
2. Ministria e Ekonomisë dhe Financave. Raportet Vjetore Financiare të Buxhetit të Konsoliduar të Kosovës për vitet 2003-2012. (<http://mefrks.org/sq/download/314-raportet-e-buxhetit-dhe-pasqyrat-financiare>);
3. Korniza Afatmesme e Shpenzimeve 2010-2012 – raporte të miratuara nga të gjitha Kuvendet Komunale.
4. Rregulloret Komunale për tatim në pronë – të miratuara nga Kuvendet Komunale.
5. Rregulloret për taksa, gjoba dhe ngarkesa – të miratuara nga Kuvendet Komunale.
6. Debatet komunale 2009 “Jeta në Kosovë”, www.jetanekosove.com.
7. ESK. Analiza e Statistikave Vitale të Kosovës për periudhën më të re. Prishtinë, shkurt 2008.
8. UNDP. Human Development Report – Kosovo 2012.
9. Asociacioni i Komunave të Kosovës. Komunitet e Kosovës-profil i shkurtër. Qershor, 2011.
10. MAPL. Raport i funksionimit të Komunave të Kosovës – janar-dhjetor 2008. Janar, 2009.
11. MAPL. Raport i funksionimit të Komunave të Kosovës – janar-qershor 2009. Shtator, 2009.
12. MPMS-Departamenti i Mirëqenies Sociale. Shfrytëzuesit e Ndhmës Sociale Sipas Komunave. Qershor, 2012.
15. Ministria e Shërbimeve Publike. Të dhënat e të punësuarve në administratë në komuna. Mars, 2012.
16. Programi zgjedhor i PDK-së dega Lipjan , Nëntor 2009,
17. Raporti Komunal Lipjan i Institutit për studime të Avancuara GAP ,Tetor 2009,
18. Zyra Komunale për punësim në Lipjan. Maj 2012,
19. Monitorimi i drejtpërdrejtë i aktiviteteve komunale nga zyrtaret e YAHR-it, Janar-Qershor 2012,
20. Raportet javore të drejtorive komunale të Komunës së Lipjanit Janar-Qershor 2012,
21. Raportet mujore të drejtorive komunale të Komunës së Lipjanit Janar-Qershor 2012,
22. Komunikatat për media të YAHR-it Janar-Qershor 2012.

"Ky projekt u financua përmes grantit të Olof Palme International Center. Mendimet, përfundimet dhe konkludimet apo rekomandimet e shprehura këtu janë të Autorit(ëve) dhe jo medoemos pasqyrojnë qëndrimet e Olof Palme International Center

